

稱

謂

錄



稱謂錄卷二十五

福州梁章鉅撰

男恭辰校刊

現任官員

當軸 漢書田千秋傳贊當軸處中括囊不言 北史  
齊紀總論佞闇處當軸之權 宋史蘇軾傳積以論  
事爲當軸者所恨 案閩向稱現任官爲當道

朝士 沈周客座新聞秋官郎中陸孟昭於邸第外隙  
地構屋數間朝士迎送必假之爲宴

執政官 甲申雜記見任執政官生日賜以酒食

當路子 孟子夫子當路於齊 阮籍詩如何當路子

磬折忘所歸 杜甫詩歎息當路子

瑣廳 石林燕語祖宗時見任官應進士舉謂之瑣廳  
雖中選止合遷官而不賜科第不中者停見任 池  
北偶談宋時見任官得應制科文官許二次武官一  
次謂之瑣廳

朝達 南部新書長安舉子自六月後落第不出京者  
謂之過夏醵率酒饌請題目於知己朝達謂之私試

官員眷屬

老翁 元史董搏霄傳我董老翁也又三朝北盟會編  
云魚磨山寨軍亂殺其統領官馬老翁

太太 胡應麟甲乙剩言有一邊道轉御史中丞作除  
夕詩云幸喜荆妻稱太太且斟柏酒樂陶陶蓋部民  
呼有司眷屬惟中丞以上得稱太太故喜而見諸歌  
咏 何良俊四友齋叢說松江十餘年閒凡士夫妻  
年未三十卽呼太太前輩未有此太可笑也 翟灝  
通俗編今燕秦之地雖丐婦無不稱太太者

寓公 宋蕭參希通錄今人以寄居之官爲寓公禮郊

特牲諸侯不臣寓公注寄公之子寄公字尤新

縣君 見上知縣門 案縣君亦稱邑封見睽車志

夫人、漢書如淳注列侯之妻稱夫人子復爲列侯稱  
太夫人

命夫 命婦 周禮秋官小司寇凡命夫命婦不躬坐  
獄訟 後漢書安帝紀注命夫者男子之爲大夫也

官員父母

封君 史記平準書自天子以至於封君 漢書食貨  
志封君皆氏首仰給焉註封君受封邑者謂公子及

列侯之屬 劉禹錫詩等閒種樹比封君 案封君  
卽封翁之別稱

贈公 贈君 唐宋古文碑狀中多有贈公贈君之稱  
太夫人 漢書注見上 文選閒居賦太夫人乃御板  
輿 杜甫詩起居八座太夫人

大員子女

國子 周禮大司樂掌成均之法而合國之子弟焉注  
國之子弟公卿大夫之子弟當學者謂之國子弟又  
諸子注國子謂諸侯卿大夫之子 漢書國子者卿

大夫之子弟也

品子 孟郊詩品子懶讀書駟難服犁品子仕宦子弟也

貴遊子弟 周禮師氏凡國之貴遊子弟學焉 抱樸

子貴遊子弟遊乎深宮之中長乎婦人之手憂勞之懼未嘗經心 南史當使華實相稱不得止取貴遊子弟而已

君子子 儀禮喪服傳君子子者貴人之子也

公子 公羊隱元年公子益師卒注諸侯之子稱公子



詩爲公子裳 史記平原君傳贊翩翩濁世之佳公子也 楚辭思公子兮未敢言 案論衡感類諸侯之子稱公子諸侯之孫稱公孫

臣孽 禮記公子曰臣孽注公子公侯衆子也

貴介公子 酒德頌貴人子曰貴介公子

公卿子弟 唐書李德裕曰公卿子弟臺閣之儀不教自成

貴家子 宋史符昭壽傳昭壽以貴家子日事遊宴

長者家兒 馬援傳但畏長者家兒謂權要子弟

勢家郎 後漢陳蕃傳蕃爲光祿勳與五官中郎將黃  
琬並典選舉不偏權富而爲勢家郎所譖詆坐免歸  
貴胄 江總傳何敬容開府置佐史並以貴介胄充之  
勢門子弟 舊唐書王起傳先是貢舉猥濫勢門子弟  
交相酬酢寒門俊造十棄六七及元稹李紳在翰林  
深怒其事故有覆試之目

士 詩載芟有依其士傳士子弟也

任子 漢書汲黯傳至黯十世世爲卿大夫以父任爲  
太子洗馬注大臣任舉其子弟爲官此任子之始又

蘇武傳少以父任兄弟並爲郎

紈袴 宋史魯宗道傳時執政多任子於館閣讀書宗道曰館閣育天下英才豈紈袴子弟得以恩澤處耶

膏粱 唐書高儉傳先宗室後外戚退新門進舊望右

膏粱左寒峻 杜甫詩飽食復何心荒哉膏粱客

陸機詩善哉膏粱士營生奧且博

小姐 宋有燉元宮詞簾前三寸弓鞋露知是嫵嫵小姐來又案楊循吉蓬軒吳記云孟小姐按官澄女嘗過惠日訪尼僧此以官員女稱小姐蓋始於明

女公子 左莊三十二年傳雲講於梁氏女公子觀之  
齋娘 唐書祝欽明傳天子將郊皇后爲亞獻取大臣  
女爲齋娘奉豆籩禮成召齋娘有夫者悉進宮

紳

縉紳 搢紳 薦紳 今通稱鄉宦之家居者爲縉紳

其實當作搢紳搢說文訓挿禮玉藻言搢笏內則言  
搢笏晉書輿服志云古者貴賤皆執笏其有事則搢  
之於腰帶所謂搢笏之士者搢笏而垂紳帶也亦曰  
薦紳 史記薦紳先生難言之注薦笏於紳故謂薦

紳又封禪書注云鄭衆註周禮云搢讀曰薦則薦亦是進謂進而置於紳帶之間故亦作薦紳惟史記封禪書縉紳者不道古今人皆倣之稱縉紳但言搢紳言薦紳二字意不平列而言縉紳則二字必平列杜甫詩北斗司喉舌南方領縉紳皇甫冉詩地控吳磬帶才光漢縉紳宇文融詩雜沓喧簫鼓歡娛洽縉紳皆平列也 案五帝贊作薦紳封禪書作搢紳漢郊祀志作縉紳三字通用

鄉先達 客座新聞毘陵白司寇昂爲進士時往候鄉

和言錄 卷二十一  
先達大宗伯胡忠安公譚問處世之要忠安曰多栽  
桃李少種荆棘

先生 儀禮士相見禮若先生異爵者注先生致仕者  
也

父師 少師 儀禮鄉飲酒禮古者年七十而致仕者  
大夫名曰父師士名曰少師

鄉衮 小知錄云鄉紳也謝安以謝眺爲宗衮

下臣宅 儀禮凡自稱於君士大夫則曰下臣宅注謂  
致仕者

鄉先生 儀禮士冠禮遂以摯見於鄉大夫鄉先生注  
鄉先生鄉中老人爲卿大夫致仕者

提舉某宮觀 七脩類藁嘗疑宋之宰臣致政者多曰  
提舉某宮觀若李忠定提舉洞霄宮是也不知某宮  
觀何爲要提舉後讀石林燕語知致政者多留京師  
假銜提舉某宮觀蓋某宮觀朝廷有事者也見優禮  
大臣尙使御政其實無大政事耳

二豪 劉伶酒德頌二豪侍側焉注謂縉紳處士

貴遊 見上周禮師氏注貴遊無官守者 案貴遊疑

卽致仕者

老 左昭四年傳至於老疾注老老而致仕在家者

致仕官 野記洪武己未詔致仕者居鄉與人叙坐惟

於宗族外祖家及妻家及尊卑若筵宴則別設席不  
得坐無官者之下如致仕官胥會則叙爵爵同則序

齒

致政大夫 游宦紀聞朱文公移簡輔漢卿云得趙昌

書以致政大夫見呼此甚真實而又雅馴可爲報同

社諸人今後請依此例也



故宦

名宦 漢循吏傳元始四年詔祀百辟卿士有益於民者蜀郡以文翁九江以召父應詔書歲時郡守率官屬行禮 晉書陸雲爲浚儀令去官百姓思之畫像配食縣社此稱名宦之始 唐書陸餘慶傳餘慶陳右衛將軍珣孫方稱有祖風已冠名未顯兄玄表喏曰爾名宦不立奈何 白居易詩名宦老慵求退身安草野

故紳

和言錄 卷二十五  
警宗 鄉賢 傳曰鄉先生沒其人可祀於社者謂之  
警宗 東海孔融爲北海相以甄士然祀於社此稱  
鄉賢之始 案沈德符野獲編載成化中給事王徽  
將死戒其子曰鄉賢甚雜亂吾恥居其中切不可入  
先賢 禮祀先賢於西學所以教諸侯之德也 岑參  
詩襄陽多故事爲我訪先賢

官親

廂公 南史侯景傳其親寄隆重者號爲左右廂公

幕

雲幕 杜甫寄高三十五詩雲幕隨開府

幕府 莫府 翰林新書張建封性樂士遊其門者其

禮必均許孟容韓愈皆置幕府 漢書李廣傳莫府

省文書 案莫府者以軍幕爲義莫幕古通用耳

史記張釋之馮唐列傳上功莫府 杜甫詩郊扉存

晚計幕府愧羣材

典籤 南朝宋故事府州部內論事皆籤前直叙所論

之事置典籤以主之 案宋諸王子爲方鎮者多幼皆以親近左右領典籤

幕官 客座新聞偶武孟吳之太倉人也有詩名嘗爲

武岡州幕官

幕職官 宋史選舉志籤書判官廳公事節度觀察防禦團練推官判官節度掌書記觀察支使謂之幕職官 澠水燕談錄興國中張觀樂史鎖廳合格不得進士第止以爲幕職官 案錄參推判記室支使之類皆幕職官也

書記 魏志王粲傳元瑜書記翩翩致足樂也 白居易

易詩青衫書記何年去紅旆將軍昨日歸 芝田錄  
牛僧孺鎮維揚杜牧在幕每夜遊公以街子數輩潛

隨防不虞後收以拾遺召公戒之收始隱諱公取一  
篋皆街子輩報帖云杜書記平善

儒林參軍 南史齊豫章文獻王嶷傳開館立學置儒  
林參軍一人文學祭酒一人勸學從事二人又晉書  
江統子惛傳征西將軍庾亮請爲儒林參軍案止是  
外僚幕職也

參謀 李氏刊誤參謀秦漢之職在賓幕中籌畫戎機  
非多學深識者莫居其選 唐書杜甫傳嚴武鎮成  
都奏爲節度參謀 唐書百官志行軍參謀關豫軍

中機密開元十二年罷行軍參謀尋復置

從事 劉充遠金華子雜編杜晦辭自南曹郎爲趙公

隱從事於朱方王郢之叛趙相國以撫御失宜致仕

晦辭職 後山詩話司馬溫公爲定武從事同幕私

幸營妓而公諱之

幕僚 遼史張儉傳調雲州幕故事車駕經行長史當  
有所獻聖宗獵雲中節度使進曰臣境無他產惟幕  
僚張儉一代之寶願以爲獻

端 表異錄六朝稱府幕曰府端州幕曰州端節度幕

曰節端憲司幕曰憲端 南史陸徽九綜州綱二端

府職

掌記 李翱卓異記兄弟四人皆任掌記盧簡能夏州  
簡辭河孟宏正昭義簡求鄂州案使下書記必擇有  
文學得時稱者任之盧簡能兄弟四人並當嘉選時  
亦無比

記室 續事始漢百官制諸王三公及大將軍幕府皆  
有記室掌章表書記文檄又傅毅傳車騎將軍竇憲  
請毅爲主記室 案若今之幕賓也

記室參軍 北史劉祥傳祥十歲能屬文十二通五經  
仕梁爲宜豐侯記室參軍

蓮幕 庾杲之傳杲之字景行王儉用爲長史蕭綱與  
儉書曰盛府元僚質難其選景行汎綠衣依芙蓉何  
其麗也時人以入儉府爲蓮花池故緬書美之

入幕賓 郗超傳桓温懷不軌超爲之謀謝安與王坦  
之嘗詣温論事温令超帳中臥聽之風動帳開安笑  
曰郗生可謂入幕賓矣

上客 史記晏子於是延入爲上客 馮翊桂苑叢談



崔膺博陵人也常在張建封書院憐其才延爲上客  
賓僚 白居易制軍前之務掌在賓僚 高啟詩幕下  
賓僚更奇才

門客 宋史選舉志舊法館於現任門下者曰門客

闔

門吏 后山詩話呂公歸老於洛嘗遊龍門還闔者執  
筆歷請官稱公題詩云思山乘興看山回烏帽綸巾  
入帝臺門吏不須詢姓氏也曾二到鳳池來

闔者 周禮天官屬曰闔者王官每門四人注掌守王

宮中之門禁

謁者 丹鉛錄將命之人謂之謁者

監門 荀子榮辱或監門御旅抱關擊柝注監門主門

也

應門兒 杜甫詩應門亦有兒 黃庭堅詩是亦應門

兒

闈吏 芝田錄唐崔蠡居東都里第有請謁於蠡者闈

吏拒之公聞延入與語

闈人 禮檀弓闈人爲君在弗納也 周易集宋衷田

闈人主門寺人主巷良爲止皆掌禁止者也

寺人 見上

闈侍 李商隱代上翰林蕭侍郎啟曾于闈侍獲拜堂

皇

門司 吳曾能改齋漫錄王旦及第由他門入謁守守  
驚曰門司未報君何抵此

當關 李商隱詩當關莫報侵晨客新得佳人字莫愁  
又稽康絕交書臥喜晚起而當關呼之不置一不堪  
也

和言錄 卷二十三 三  
門夫 唐書食貨志籍十八歲以上中男及殘疾以守  
城門及倉庫門謂之門夫 張鷟朝野僉載有門夫  
著鞵者至凱廳前樹上有鴛窠鴛啄木也遣門夫上  
樹取其子門夫脫鞵而緣之凱令奴著鞵而去門夫  
竟至徒跣

鈴下 表異錄門卒亦稱鈴下吳志吳範使鈴下以聞  
鈴下不敢

二人 丹鉛錄二人守門之人

僕

僕 詩正月並其臣僕箋僕之尊卑有十等僕第九臺

第十 說文僕給事者也

家吏 吳錄孫策家僕曰家吏

僮豎 晉書鄭默傳雖僮豎厮養不加聲色

紀綱 左僖公二十四年傳秦伯送衛於晉三千人實

紀綱之僕

豎 周禮天官內豎倍寺人之數注豎未冠者之官名

使童豎通王內外之命給小事者以其出入便捷也

家語止論解以牛爲內豎注豎通內外之命 案史

記酈生陸賈傳豎者僮僕之稱 韻府僮僕之未冠者

廝 廝徒 公羊傳廝役扈養注艾草爲防曰廝 史記張儀傳而廝徒負養在其中矣索隱廝徒謂雜役之賤者張耳陳餘列傳廝賤者也

廝豎 唐書崔蕘爲陝虢觀察使委政廝豎

御者 儀禮旣夕記御者四人注御者侍從之人 禮文王世子問內豎之御者注御如今小吏值日

廝臺 臺 後漢書黨錮傳片言違正則廝臺解情注

厮臺賤人也 臺見上

奴僕 漢書公孫弘等傳贊衛青奮於奴僕 韓愈詩

長令奴僕知饑渴

儲胥 尙書大傳憎其人者憎其儲胥 案儲胥僕婢

一也

丁奴 唐書百官志凡居作者差以三等四歲以上爲小十一歲以上爲中二十歲以上爲丁丁奴三當二役

監奴 漢書霍光傳監奴馮子都頗挾權傾郡邑注監

奴謂奴之監知家務者 後漢梁冀傳愛監奴秦宮

官至太倉令

長隨 葉盛水東日記王振黨有王長隨毛長隨

官奴 蘇軾詩暫借官奴遣吹笛 輟耕錄以數爲官

奴並引周禮序官注奚今之侍史官婢以實之

臧甬 方言臧甬侮獲奴婢賤稱也可合下各門參看

臧獲 司馬遷傳夫臧獲婢妾猶能引決 案應劭曰

揚雄方言云海岱之間罵奴曰臧罵婢曰獲燕之北

郊民而壻婢謂之臧女而婦奴謂之獲 張揖云壻



婢之子謂之臧婦奴之子謂之獲又曰童妾史傳呂  
不韋家僮萬人師古曰婢妾總稱說文男有罪曰奴  
陪僕 賈逵僕從曰陪僕

小底 底下人 談錄皇城使劉成規在太祖朝爲黃  
門小底音學五書今人小的當作小底如宋內侍小  
底遼承應小底之類 南史陳伯之傳建武以後草  
澤底下悉成貴人 唐洋州刺史趙臣議選舉疏云  
授官多底下之人 案卽今稱小底底下人所始

蒼頭 酉陽雜俎魏買鏘有蒼頭常令乘小艇於黃河

和言金 卷二十三 二  
中接河源水以釀酒名崑崙觴 陶弘景授陸敬遊

一十賚文賚爾蒼頭一人厥名多益可以傳代薪水

北史甄琛傳頗以弈棋棄日至乃通夜不止手下蒼

頭常令執燭 白居易詩嫁分紅粉妾賣散蒼頭僕

廬兒 鮑宣傳注漢名奴爲蒼頭諸給殿中者所居爲

廬蒼頭侍從因呼爲廬兒

華腴 柳芳論有令僕者曰華腴

宜祿 天祿識餘丁晉公喜占驗機祥多所忌諱時有

無賴子于慶欲往依之謀於一落第老儒老儒曰汝

欲往須更姓名改于爲丁名宜錄後得志勿相忘晉公見其名大喜收之門下不數月晉公入相此人遂被優寵雖大僚節使倚藉關說未久而宜祿富矣不解所謂適閱沈休文宋書宰相蒼頭呼爲宜錄乃知晉公喜之有以也

無弋 後漢西羌傳羌無戈爰劍者秦厲公時爲秦所拘執以爲奴隸羌人謂奴爲無戈以爰劍常爲奴故名

內知 東軒筆錄馮拯之父爲中令趙普家內知蓋句

當本宅事者也

平頭 梁武帝歌平頭奴子擊履箱 陸游詩平頭拾

澗柴 案謂奴也

管家 明吳時興劾嚴嵩疏羣呼文選郎萬家爲文管家武選職方郎祁祥爲武管家

守舍兒 楊修看家人曰守舍兒

奚奴 小奚奴 禮記疏有才能曰奚無才能曰奴今

混稱僕曰奚奴 李商隱李賀詩集字恆從小奚奴  
騎駝驢背一破錦囊

僮奴 晉書劉惔傳郟音有僮奴善知文章

侍史 史記孟嘗君傳孟嘗君待客坐語而屏風後常

有侍史主記君所與客語 通典省中之官左右從

者曰侍史 梅堯臣詩官奴休執燭侍史正薰衣

童僕 易旅卽次懷其資得童僕貞童亦作僮 張華

輕薄篇童僕餘梁肉婢妾蹈綾羅 陶潛歸去來辭

童僕歡迎穉子候門 韻府僕古作僕

白衣 野客叢書漢官吏著皂其給使賤役者著白案

谷永曰擢之皂衣之吏張敞曰敞備皂衣二十餘年

兩龔傳曰聞之白衣戒君勿言注白衣給使官府趨走賤人晉陶淵明謂白衣送酒是也

髯奴 古文苑有髯奴詞黃香所作

奴星 昌黎送窮文主人使奴星結柳爲車

輿臺 左傳莊公七年傳輿臣隸隸臣僚僚臣僕僕臣臺合璧事類張鑑輿臺下類主反謂之悖慢成風漸不可長 元秘塔碑王公輿臺皆以誠接

家人 漢書衛青少爲平陽侯家人 孟郊有吊老家  
人春梅詩 轅固傳此家人言注言童隸之屬

奴子 白居易詩棹遣禿頭奴子撥 魏書溫子昇傳

爲廣陽王淵賤客在馬坊教諸奴子書 梁武帝詩

見上平頭

大奴 書叙指南武五子奴之魁曰大奴

小奴 杜甫縛雞行小奴縛雞向市賣 張鷟朝野僉

載鄭仁凱爲密州刺史有小奴告以履穿凱曰阿翁

爲汝經營鞵

私屬 漢書食貨志王莽居攝下令更名天下田曰王

田奴婢曰私屬皆不得賣買

侍者 桂苑叢談崔宏度隋文時爲太僕因食鼈問侍者曰美乎曰美宏度曰汝不食安知其美皆杖之焉  
傭 後漢書夏馥傳黨錮事起馥變姓名爲酒家傭家兵 後漢朱雋傳注家兵僮僕之屬

從者 公羊隱八年傳從者隨從也

僕人正 儀禮大射儀僕人正徒相大師注僕人正僕人之長

走使者 僱者 酉陽雜俎皆言僕也

淨人 避暑錄話趙清獻以一淨人一兵爲役一淨人



治膳於外一淨人執事其旁雞鳴淨人治佛室香火  
三擊磬公乃起觀此亦蒼頭類也

上足 元稹詩段師弟子數十人李家管兒稱上足

儼 集韻正韻韻會並音歉詰念切說文從也類篇侍  
從也唐書封常清傳奏儼從二十人當與下書差門  
參看

車匿 瑞應經奴名車匿馬名犍陟普耀經明星適現  
卽敕車匿起被犍陟 案車匿悉達太子之奴也

奴阜 蘇轍詩王伯出奴阜

驅口 陶宗儀輟耕錄今蒙古色目人之臧獲男曰奴女曰婢總曰驅口蓋國初平定諸國日以俘到男女匹配爲夫婦而所生子孫永爲奴婢

養 廣韻釋詁養使也 史記秦始皇紀監門之養索隱養卽卒也

胥靡 漢書師古注聯繫相隨而服役謂之胥靡

長須 鶴林玉露楊誠齋退休南溪之上老屋一區僅蔽風雨長鬚赤腳纔三四人 案長須謂奴赤腳爲

婢

豪奴 蘇洵文家有主母而豪奴悍婢不敢與弱主相  
抗 案豪奴見史記貨殖傳

亞海 松漠紀聞金國奴曰亞海

力 南史陶潛爲彭澤令不以家累自隨送一力給其  
子與之書曰汝旦夕之費自給爲難今遣此力助汝  
薪水之勞

腳力 酉陽雜俎元和末鹽城腳力張儼遞牒入京  
僮 左傳僕臣臺臺與僮同

臺奴 法苑珠林賤中之賤謂臺奴與豎子等卽服役

種訓錄 卷二十五 三  
於僕者也 案卽今之三小子是

家生兒 輟耕錄奴婢所生子曰家生兒

臧 文選報任少卿書臧獲注奴以善人爲妻生子曰臧

奴產子 漢書陳勝傳秦令少府章邯免酈山徒人奴  
產子悉發以擊楚軍大敗之注家人之產奴也猶今  
人所云家生奴也

廝養戶 魏書孝文帝紀詔廝養之戶不得與士民婚  
後漢馬融傳廝養賤人也

婢

陽

周易說卦傳兌爲妾爲羊朱震漢上易傳引鄭本

羊作陽注曰此陽爲養無家女行賃炊爨今時有之  
賤於妾也 案釋文羊虞作羔今李鼎祚集解引虞

注亦作羔武進臧鏞堂謂羔乃養字之誤傳寫脫其  
下半耳錢竹汀養新錄云然則此字當爲廝養之養  
鄭虞兩家正合其作羊作陽皆養字聲近之誤

娠

山堂肆考燕齊之閒官婢女廝皆謂之娠 方言

娠亦作娠

內記室 表異錄唐潞州節度使薛嵩青衣紅線號曰

內記室

獲 廣雅釋詁獲婢也 墨子小取獲人也 方言亡

婢謂之獲又荆淮海岱雜齊之間罵婢曰獲又參見

上僕門

女廝 方言官婢女廝謂之娠註女廝婦子給使者

女奴 周禮女漿女奴曉漿者女邊女奴曉邊者 輟

耕錄朶那者杭城東偉兀氏之女奴也至正壬辰寇  
陷杭至偉兀氏家反接主婦柱下拔刀礪頸朶那以

身覆主且告曰凡貨寶皆我所臧若免主母死我當  
悉與將軍寇解主婦縛乃探金銀珠玉等去彘那拜  
主婦曰棄主貨全主命權也妾受命主鑰貨今失貨  
而全身非義也遂自殺人莫不以爲義烈云

傅婢 漢書王吉傳王崇謝病乞骸骨王遣就國歲餘  
爲傅婢所毒注師古曰傅婢者傅相其衣服衽席之  
事 顏氏家訓不及傅婢之指揮

使女 客座新聞常熟顧成章詠人家不檢束使女詩  
云兩腳塵糟拖破鞵囉垂像甚細娘家手中託飯沿

種言錄 卷二十三  
街喫背上馱拏著處推

甬 方言臧甬侮獲奴婢賤稱也

价婦 留青集价婦僕妾也

侍兒 袁盎傳盎爲吳相時從史盜私盎侍兒盎遂以侍兒賜之 白居易詩茶教織手侍兒煎

媵婢 唐書李迥秀傳迥秀母少賤妻嘗詈媵婢母聞不樂迥秀卽出其妻

澣婦 說鈴百里奚相秦貧時其妻先入秦爲澣婦

風俗通引曰浣婦



侮 侮獲 方言秦晉之時罵奴婢曰侮又云臧甬侮獲

女僕 天寶遺事長安名妓劉國容有姿色與進士郭昭述相愛後昭述授天長簿與國容別詰旦赴任國容使女僕齎短書

小姨媼 愛日廬叢鈔陳福公在相位營第甚卑曰一兩世後要使小姨媼可以開闔 案今蘇俗女僕尙有姨稱

竈婢 陸游詩持箕畀竈婢

卑人 漢書腐木不可以爲柱卑人不可以爲主

佳口 表異錄周文謂尉遲綱曰事平當賜汝佳口謂

婢也

赤腳 見僕稱長須注

青衣 蔡邕青衣賦宜作夫人爲衆女師伊何以爾命

此賤微 牛僧孺周秦行紀有小髻青衣出責黃衣

闈者曰門外誰何黃衣曰有客

僮 前漢衛青傳青父季與主家僮衛媼通注僮者婢

女之總稱

官婢

漢書小女緹縈上書願沒入爲官婢以贖父刑

奚

周禮酒人奚三百人注今之侍史官婢或曰奚宦

女又序官注古者從坐男女沒入縣官曰奴婢其有才智給使者則曰奚凡女酒女漿女邊女醯女鹽女冪皆有奚多至三百人少亦二十人女與奚若什長與胥徒也

妮

廣韻集韻韻會並女夷切音尼六書故今人呼婢

曰妮

一生人

老學庵筆記都下買婢謂未嘗入人家者爲

和言金 卷二十五  
一生人喜其多醕謹也予在蜀與何晉之同閱報狀  
搢之曰渠是一生人宜其速進

媵 廣韻釋詁四媵婢也 集韻虛其切音熙婦人賤  
稱又於開切音哀婢也亦作毒

媵 唐廣韻音奚女隸也今通作奚 周禮天官序官  
奚三百人注奚今之侍史官婢

上清 司馬光攷異柳程上清傳言竇參知敗屬上清  
爲宮婢當爲白上後果入宮今人呼婢遂謂之上清  
正字通當時通稱婢爲上清

崑崙 晉書烈宗之母本織坊中婢也形長色黑宮人謂之崑崙 據此則婢亦有稱崑崙者

女桃 周禮女桃每廟二人奚四人注女桃女奴有才智者

小鬟 梅堯臣聽文都知吹簫詩欲買小鬟試教之

姪 廣雅釋詁姪婢也

丫頭 劉賓客贈小樊詩花面丫頭十二三春來綽約向人時

嬪 廣韻釋詁嬪婢也

和言金 卷二十五  
鴨 中吳紀聞俗貴鵝賤鴨故呼婢爲鴨

亞海軫 松漠紀聞金國婢曰亞海軫

鷓鬢 王炎詩捧顙卻立鷓鬢奴

鴉頭 白居易詩繡面誰家婢鴉頭幾歲奴

婢之婢

重臺 輟耕錄凡婢役於婢者謂之重臺今僕之僕亦  
此稱 雪舟脞語婢之婢世謂之重臺評書者謂羊  
欣書似婢學夫人米芾學欣書故高宗謂米字爲重

臺

婢之女

家生婢 異苑廬陵人郭慶之有家生婢名採薇

婢之夫

婢婿 書敘指南王商婢所私通曰婢婿

此處之天... 國之... 人... 女



稱謂錄卷二十六

福州梁章鉅撰

男恭辰校刊

書吏

史

論語文勝質則史

後漢楊震傳注史爲府吏也

案尚書史尚書令史御史令史史書令史蘭臺令史  
皆見後漢書百官志史卽後世之吏也

令史

朝野僉載周張衡令史出身位至四品加一階

合入三品又李日知爲刑部尚書有令史受敕二日  
忘不行者尚書索杖剝衣喚令史總集欲決之

刀筆吏 史記蕭相國世家贊秦時爲刀筆吏碌碌未  
有奇節又張湯傳湯無尺寸之功起刀筆吏 唐書  
柳公綽傳行部至鄧縣縣吏有納賄舞文二人同繫  
獄縣令以公綽素持法謂必殺貪者公綽判曰賊吏  
犯法法在姦吏壞法法亡誅舞文者

蠻判官 老學庵筆記蠻人言語不通郡中有蠻判官  
者爲之貿易蠻判官蓋郡吏蠻人懾服也

比德真 齊書魏鹵傳國中曹局國文書吏爲比德真  
外郎 菽園雜記吏人稱外郎者古有中郎外郎皆臺

省官故僭擬以稱之今人稱郎中

胥 冊府元龜韋處厚爲相有湯鉢爲中書小胥 柳

宗元云有里胥而後有縣大夫有縣大夫而後有諸  
侯

書辦 明史宦官劉瑾傳文華殿書辦官張駿等改膳  
主吏 史記蕭相國世家爲沛主吏掾索隱主吏功曹  
也

無害都吏 後漢百官志秋冬遣無害都吏案訊諸囚  
注案律有無害都吏如今言公平吏漢書音義曰文

科言錄 卷二十六  
無所枉害蕭何以文無害爲沛主吏掾正此也並見  
野客叢書

六曹 今上下衙門皆有吏戶禮兵刑工六科房羣碎  
錄云此爲六部曹相傳爲宋徽宗所設

貼書 齊東野語有士赴考其父充役爲貼書 案此  
卽今之貼寫吏也

府掾 晉書劉卡傳秀才謂縣令曰卞公府掾之精者  
云何以爲亭子

諸曹掾史 後漢書百官志郡太守郡丞縣令若長縣

丞縣尉各置諸曹掾史 閩小記明初進取不拘資  
格有掾史而置身青雲者

書手

輟耕錄世稱鄉胥爲書手

續釋常談宋術士

淮人應明經因疾廢業爲鹽鉄院書手

奏讞掾

漢書兒寬傳張湯爲廷尉以寬爲奏讞掾

函使

小知錄承差也

僉人

通雅唐制大使副使皆有僉人正字通僉人卽

今承差

表異錄河西節度使崔希逸僉人入奏事

注僉從也

儼從 裴行儼傳所引偏裨爲世名將儼從至刺史將  
軍者數十人 案儼字爲韻府所未收又案說文儼  
從也謂侍從也

縣僮 梁書沈瑀傳爲餘杭令豪族縱橫民甚苦之瑀  
召其老者爲頭蒼監少者爲縣僮日知錄云卽今之  
門子

門長 光武紀門子魁曰門長

門士 後漢書郭泰傳庾乘少給事縣庭爲門士注卽  
門卒也

宿猾 皇甫規老姦吏曰宿猾

衙前 宋史食貨志御史上官均言役之最重莫如衙前其次弓手 山堂肆考衙前今之內班門子

齋夫 賦役全書各縣儒學項下齋夫叁名工食銀叁拾陸兩

各役

火夫 說鈴續云明弘治時令五城各設火夫遇百官夜飲歸提燈傳送

庫子 賦役全書各縣有此名目

斗子 夷堅志淳熙十一年溧陽倉斗子坐盜官米黥

配

倉監 見上縣僮條

廝 陳餘傳有廝養卒韋昭曰析薪爲廝 嚴助傳廝

析薪者賤役之人

煬者 莊子燒竈人曰煬者

役 公羊傳廝役扈養注汲水漿曰役案卽所謂挑水

夫也

輶夫 傘夫 扇夫 賦役全書各縣有此名目



司寤 夜士 周禮秋官司寤氏掌夜時以星分夜以  
詔夜士夜禁禦宵行夜遊者

鷄人 見周禮春官 李商隱詩無復鷄人報曉籌

更人 陸游詩更人鼓應鼉 伏知道從軍五更轉詩

更人悄下樓

祇候 曳刺 各志書有衙前祇候曳刺名目 案祇

候蓋如今所謂聽事曳刺則如今所謂號房也

巡掇 杜本詩號令爾巡掇

掃地夫 王建宮詞宮人拍手笑相呼不識階前掃地

夫

白芬子 湧幢小品民壯之設介在軍壯開天順開即  
有之盛於王陽明在宋謂之白芬子 案卽今之民  
壯也民壯名目在下隸門

都頭 庸閒齋筆記唐代嘗以都頭爲官名而兼平章  
事者今以都頭爲縣役之通稱

里魁 說文解字敘注一里百家里魁掌之

里正 公羊宣十五年傳什一行而頌聲作矣注選其  
耆老有高德者名曰父老其有辯護伉健者爲里正

疑卽今之地保也 朝野僉載滑州靈昌尉梁士會  
官科鳥翎里正不送舉牒判曰官喚鳥翎何物里正  
不送鳥翎

甲長 天下郡國利弊書甲長十年之中充糧長一次  
充見年者亦一次

假士 假伍 假候 漢書鼂錯傳十長一里里有假  
士四里一連連有假五百十連一邑邑有假候皆地  
保類也

監門吏 史記酈食其傳家貧落魄爲里監門吏

糧長 解頭 客座新聞宏治中常熟桑民憚通判嘗  
過富家見其碌碌置田產戲爲口號遺之曰廣買田  
產真可愛糧長解頭專等待轉眼過來三四年挑在  
擔頭無人買近年民家有田二三百畝者官司便報  
作糧長解戶馬頭

里尹 禮記妻之黨雖親弗主夫若無族矣則前後家  
東西家無有則里尹主之注里尹閭胥里宰之屬

解戶 天下郡國利弊書其運納銀米諸差僉其人爲  
之役名之曰解戶

街卒 後漢書范式傳孔嵩家貧親老乃變姓名傭爲  
新野縣阿里街卒

傳舍長 史記孟嘗君傳有此名目

里胥 鄭廷誨廣陵妖亂志楊子有一村嫗詣知府判  
官陳牒云夜來里胥借耕牛牽碑誤損其足

亭長 後漢百官志十里一亭十亭一鄉有亭長 楊  
子方言楚東海之間亭父謂之亭公 漢高祖爲泗  
上亭長 宋書五家爲伍伍長主之二伍爲什什長  
主之十什爲里里魁主之十里爲亭亭長主之

負弩 亭父 風俗通亭長者一亭之長率也舊名負

弩今改爲亭長楚宋謂之亭父

案兵門亦有亭父各一義

亭員 北堂書鈔亭長舊名亭員後改爲長 嬾真子

云唐秘書省凡六十七人典書四人亭長六人世但知鄉村之長謂之亭長不知唐諸司皆有之尙書省唐志日以亭長啟閉傳禁約則知三省亦有也

亭吏 世說褚季野東出投錢唐亭住吳興沈充爲令送客過浙江客出亭吏驅公移牛屋下

關夫 楊循吉蓬軒別記臨清賦役每二年一更如以

隸兵爲閘夫而閘夫爲隸兵之類是也

洪夫 天下郡國利弊書軍運過洪閘一錢不煩洪夫  
閘夫共與挽拽民運每過一洪用銀十餘兩過一閘  
用銀五六錢 案洪夫閘夫當如今之挽蠡者

伊尼冀 北史倭國傳八十戶置一伊尼冀猶里長也  
人徒 荀子王霸人徒有數注人徒謂胥徒給徭役者  
走人 續資治通鑑詔沿邊置烽墩先是但

渡夫 賦役全書各縣有此名目

促驛 唐書劉晏傳主郵遞謂之促驛

觀察 庸閒齊筆記觀察者捕役之別名考元明之際  
稱捕役爲觀察實有此名不必藉水滸傳緝捕使臣  
何觀察爲證

胥魁 泊宅編馮當世未第時題小詩於所寓寺一胥  
魁范生見之爲白縣令

遽人 列子驛卒也 國語晉語遽人來告又吳語邊  
遽乃至注 表異錄鋪兵曰遽人

站夫 天下郡國利弊書自漢以來驛傳之馬皆官置  
之站夫之名肇見於元蓋自此遂爲民役矣



遞夫 燕翼貽謀前代郵置皆役民爲之建隆二年詔  
諸道州府以軍卒代百姓爲遞夫 韓愈孔戣墓誌  
明州歲貢海蟲淡菜蛤蚶之屬自海抵京道路水陸  
遞夫積功歲爲四十二萬六千人奏疏罷之

舖司 舖兵 王元恭至正慈谿縣舖捌處舖司捌名  
舖兵肆拾捌名 案元已有舖司舖兵各名目

驛子 北史齊神武記有款軍門者絳巾袍自稱梗陽  
驛子

兵驛人 唐書吐番傳百里一驛有急兵驛人臆前加

和言錄 卷二十六  
九  
銀鷓甚急鷓益多

飛鳥使 表異錄吐番陷麟州虜將徐舍人會飛鳥使  
至召其軍還飛鳥使謂傳騎也

快腳

馬快 步快 賦役全書各府縣均有此名目

貴由赤 輟耕錄貴由赤者快行是也每歲一試之名  
曰放走以腳力便捷者膺上賞故監臨之官齊其人  
數而約之以繩使無先後參差之爭然後去繩放行

案子撫粵每冬閱武卽有此試更令各縛鉛瓦於

脛耳粵西地多不平常縛鉛瓦則易於跳縱

急腳遞 夢溪筆談驛傳舊有三等曰步遞曰馬遞曰

急腳遞急腳遞最遠日行四百里惟軍興則用之又  
有金字急腳遞以木牌朱漆黃金字日行五百里自  
御前發下三省樞密莫得與也

急足 泊宅編舒王嘗戲作急足集句又名急腳子

迅足 傅休奕西都賦乃有才童妙妓都盧迅足

駛步 唐劉晏急足曰駛步

健步 唐國史補健步追還表緘

使

使者 論語使者出

倅 尙書倅來 爾雅釋詁倅拼倅使也釋文倅使人也 漢書劉向傳集注倅使也

僮使 崔浩食經序雖有功力不任僮使

信 丹鉛錄古者爲使曰信 史記韓世家陳軫說楚

王發信臣 案晉武帝炎報帖末云故遣信還南史

晨起出陌頭屬與信會黃誥云公至山下又遣一信

見告 謝宣城傳云荊州信云倚待虞永興帖云事

已信人口具 古樂府云有信數寄書 包佶詩云

去札頻逢信凡云信者皆謂使也見天祿識餘

信使 司馬相如論巴蜀檄陛下患使者有司之若彼

悼不肖愚民之若此故遣信使曉諭 杜甫詩黔陽

信使應稀少

歸 方言十三歸使也

虜使 菽園雜記大同貓兒莊本北虜入貢正路成化

初虜使有從他路入者上因守臣之奏許之

行使 春秋宋人執鄭祭仲疏行使被執例稱行人祭

仲聽宋迫脅以逐出其君罪之故不稱行人

行人 子侈靡行人可不有私注行人使人也

介 趙抃詩昨日走介遺吾書

使伶 字典使也厮役謂之使伶

僕使 易林陰陽失志爲人僕使

童使 篇海男有罪爲奴曰童使

直使 國策齊策直使送之注直當日直使也

重使 班固匈奴和親議故自建武之世復修舊典數

出重使前後相繼

犀兵 犀僕 犀伴 謝華啟秀犀兵犀僕犀伴皆古  
人稱來使者

鳧鴨 通典魏以諸曹走使曰鳧鴨取其迅速 案表

異錄作鳧雁

長工

庸 傭 楚辭懷沙固庸態也注庸斯賤之人也 司

馬相如傳上與庸保雜作注庸卽謂賃作者 漢書

樂布傳梁人賣庸於齊爲酒家保亦作傭 一切經

音義引孟氏傭役也謂役力受直曰傭

傭奴 蘇軾詩傭奴販婦皆冰玉

客作兒 王楙野客叢書吳曾漫錄曰江南俚俗謂人

曰客作兒僕謂斥受僱者爲客作已見於南北朝觀  
袁翻爲人曰邢家小兒爲人客作章表此語自古皆  
然 天祿識餘江西俚俗罵人曰客作兒凡言客作  
兒者傭夫也 案今人謂傭工者曰客作三國時已  
有此語焦先饑則爲人客作飽食而已

倩 方言凡假借暫代受僱者謂之倩

流席 表異錄昭帝紀民匱於食流席未盡還注謂去



其本鄉而爲人傭作

庸保 傭保 史記刺客傳秦并天下荆軻之客皆亡  
高漸離變姓名爲人庸保 白帖傭保人之可保傭  
者也

庸民 商子無得取庸則大夫家長不見繕而庸民無  
所於食是必庸注庸僱也

傭書 宋史胡旦傳有傭書人翟穎者旦與之善 案  
今之抄寫手也

奴狗 尚谿織志狶狶之爲庸者謂之奴狗

補工 元稹詩庭草傭工薙

行童 睽車志朱二有子年十三四傭於應天寺僧爲

行童

甬 方言陳魏宋楚之閩保庸謂之甬

短工

顧山 漢書如淳注女子犯徒罪當於山伐木聽使入

錢僱工謂之顧山 漢書平帝紀女徒已令歸家顧

山錢月三百注女徒論罪已定並放歸家不親役之

但令一月出錢三百以顧人也

兵頭

精夫 媮徒 表異錄西南夷蠻名渠帥曰精夫相呼  
爲媮徒

督師 書敘指南後漢郭躬大將曰督帥

裨將 偏裨 李光弼專任之將曰裨將又曰偏裨

兵長 朱浮兵之長帥曰師長

兵

禁兵 廂兵 役兵 民兵 說鈴宋丁渡兵錄云一

曰禁兵殿前馬步二司隸焉二曰廂兵諸州隸焉二

曰役兵郡有司隸焉四曰民兵農之健而材者藉之  
案古之言兵謂五兵也非以執兵者謂之兵而左  
傳隱四年諸侯之師敗鄭徒兵昭十四年楚子使然  
丹簡上國之兵於崇邱則謂執兵者爲兵春秋已然  
矣

技擊 漢書刑法志齊愍以技擊強注技擊兵家之技  
巧者又荀子議兵齊人隆技擊注齊人以勇力擊斬  
敵者號爲技擊

赤老 雜志都下曰軍人爲赤老緣尺籍得名 鶴林

玉露狄青自延安入樞府迓者累日不至因謾罵曰  
迎一赤老累日不來

老革 表異錄彭美罵先主爲老革注猶言老兵也

戰夫 關尹子戰夫習馬則健

卒 兩 小偏 大偏 左傳以兩之一卒適吳舍偏

兩之一焉注司馬法百人爲卒二十五人爲兩車九  
乘爲小偏十五乘爲大偏

徒卒 徒兵 左襄二十五年傳賦車兵徒卒甲楛之

數唐石經徒卒作徒兵 案顧亭林金石文字記以

爲石刻之誤梁履繩云杜於徒兵下注云步卒釋文  
卒子忽反若傳文爲徒卒則杜不須注陸氏何不舉  
傳文而標注字耶顧說非也光堯石經及岳氏本並  
作徒兵戈小蓮云隱四年諸侯之師敗鄭徒兵襄元  
年諸侯之師伐鄭敗其徒兵於洧上昭二十年太叔  
興徒兵以攻荏苒之盜傳文言徒兵者屢矣徒兵與  
車兵對今本作徒卒非也

持戟士 孟子子之持戟之士

徒 徒師 禮記祭義五十不爲甸徒徒爲步卒 莊

子徐無鬼無徒驥於鎗壇之宮注步兵曰徒 國語  
吳語帥徒師以爲過賓於宋注徒師步卒也

夫子 書勗哉夫子

中堅 文選王仲宣從軍詩鞠躬中堅內衍注中堅卒  
伍之名

兵子 零陵先賢傳張飛嘗就劉巴宿巴不與語諸葛  
亮謂巴曰飛雖武人慕慕足下宜少降意也巴曰大  
丈夫處世當交四海英雄如何與兵子其語乎

兵士 蘇鸚杜陽雜編京師副元帥李晟收復宮闕朱

泚走涇原而兵士纔餘數百人

火伴 金壺字攷伴當也俗與同本合謀爲夥計意亦相仿古木蘭詩出門看火伴火伴皆驚惶

火子 通典五人爲烈烈有頭目二烈爲火立火子五火爲隊

押夫 火頭 見勇頭稱押隊擁隊注

破柴都 老學庵筆記周世宗志欲取蜀蜀卒湟面而斧形號破柴都

小校 桂苑叢談護軍李將軍全皋罷淮海日寓於



元寺以朝廷艱梗未獲西歸一旦有一小校紹介一  
道人云能鑪火之事

蒼頭 蒼頭軍 戰國策蘇秦說魏王曰竊聞大王之  
卒武力二十餘萬蒼頭二十萬 史記項羽紀蒼頭  
特起注蒼頭謂士卒阜巾 漢書陳勝傳呂臣爲蒼  
頭軍注服虔曰蒼頭謂士卒

啟 肱 左傳齊莊公伐晉兵有啟有肱注左翼曰啟  
右翼曰肱

夫 左傳哀元年傳夫屯晝夜九日注夫猶兵也

種言錄 卷二十六  
弩父 輜軒絕代語卒謂之弩父言主擔弩也

馬隊 陶潛示周續之詩馬隊非講肄

亭父 廣雅釋訓亭父褚卒也

槍仗手 宋史兵志臣僚言天下步兵之精無如福建

槍仗手出入輕捷一可當百

牌手 刀手 槍手 弓箭手 弩手 角匠 金手

鼓手 梢工 矧手 並見勇頭稱押隊擁隊注

噲伍 宋史俞玠傳卽指之爲羸人斥之爲噲伍 案

史記韓信曰生乃與噲等爲伍故曰噲伍卽軍卒也

伍伯 戶伯 火伯 當百 五百 古今注伍伯一  
伍之伯也五人曰伍五長曰伯故稱伍一曰戶伯漢  
制兵吏五人一戶竈置一伯故戶伯亦曰火伯以爲  
一竈之主也 表異錄當百軍吏名也五百武校名  
也 案五稱稍有歧異又案隸門亦列此稱似各一  
義

白徒 漢書鄒陽傳公孫瓚見梁王曰今吳楚之王練  
諸侯之兵毆白徒之衆注白徒言素非軍旅之人  
婁羅 南史顧歡傳躡夷之儀婁羅之辨

種言錄 卷二十一  
三  
僂儻兒 五代史劉銖傳諸君可謂僂儻兒 七脩類  
藁俗云僂儻演義謂幹辦集事之稱海篇訓儻字曰  
健而不德據是一說皆狡猾能事意也

謀克 金史陳規傳金之軍法每二十五人爲一謀克  
四謀克爲一千戶

親軍

背危 雲麓漫抄親隨軍謂之背危北人呼酒瓶爲危  
大將酒瓶必令親信人負之故用以名 案韓蘄王  
軍中別置親隨軍擇勇力尤異者充之謂之背危

親兵 晉書陳騫傳賜騫親兵百人

禁軍 唐書兵志所謂天子禁軍者南北衙兵是南衙諸衛兵也北衙禁軍也 宋史兵志天子之衛兵以守京師備征戍曰禁軍 案宋收天下勁卒列營京畿謂之禁軍廂乃藩鎮舊名如曰左右曰第幾廂是藩鎮之兵謂之廂軍然則禁軍廂軍上有京畿與藩鎮之分而實兵之通稱也

廂軍 宋史諸州之鎮兵以分給役使曰廂軍 玉海左右廂起於唐朱梁以方鎮建國京師兵有四廂而

諸軍兩廂軍旅漸有廂兵之名太祖作階級法專治  
禁軍而天下鎮兵通謂之廂兵

### 鄉團

鄉兵 宋史兵志選於戶籍或應募使之團結訓練以  
爲在所防守則曰鄉兵 元史兵志又有雲南之寸  
白軍福建之余田軍皆不出戍他方者蓋鄉兵也

土軍 寶慶四明志臣僚奏言欲乞應巡檢下兵級依  
舊額招置土軍就巡檢解宇左右置營諸處不得抽

差

社頭社副 宋史兵志自澶淵講和以來百姓自相團  
結爲弓箭社又自相推擇家資武藝衆所服者爲社  
頭又劉燭傳鄉爲一團里爲一隊建其長立其社副  
勇頭

妹勤 儒林公議元昊選部下驍勇自衛分爲十隊隊  
各有長名曰妹勤

押隊 擁隊 引戰教頭 旗頭 羅濟寶慶四明志  
正兵二十二隊總有二十名色分隸於三將訓練官  
二十人押隊四十四人擁隊四十四人引戰教頭二

種言錄 卷二十六 三  
十一人旂頭百三十二人

勇

健兒 唐天寶十四載京師召募十萬號天寶健兒

世說祖逖過江常使健兒鼓行劫鈔

義勇 宋史咸豐四年改五路義勇爲保甲

義卒 王逢詩在家爲義奴在軍爲義卒

拔都 說鈴池北偶談元時漢人賜號拔都惟史天澤

張宏範見輟耕錄漢言勇也亦曰拔都魯 案此拔

都其卽今之巴圖魯乎



外宅男 甘澤圖曰承嗣命軍中武勇十倍者得三千人號外宅男

撞命郎 宋史夏國傳得漢人勇者爲前軍號曰撞命郎

豨勇 漢書食貨志後六年大募天下囚徒人奴名豨突豬勇

曳落河 唐書房琯傳琯自將平賊每曰彼曳落河雖多能奈我劉袂乎 回鶻傳曳落河猶言健兒云

高啟詩莫笑書生卻能當曳落河

勁卒 寶慶四年志宋初收天下勁卒列營京畿南征

北伐率徒中遣

快手 快手之稱名起自宋書王鎮惡傳東流舊將猶

有六隊千餘人西將極能細直吏快手復有二千餘

人建平王景素傳左右勇士數千人並荆楚快手黃

回傳募江西楚人得快手八百

壯卒 寶慶四明志闕額雖州郡自募京師實分遣壯

卒為募士之準謂之兵樣

吾臣 呂氏春秋趙氏攻中山中山之人多力者曰吾

臣操鉄杖以戰

材士 史記秦始皇紀盡徵其材士五萬人爲屯衛咸

注謂材官蹶張之士

壯士 戰國策壯士一去不復還

材官 元稹文天子六軍必有材官伏飛超乘挽疆之  
士右焉

力士 公羊傳趙盾之車右祁彌明國之力士也

水勇

扶身士 管子有扶身之士五萬人注扶身能游水人

也

没人

莊子達生注没人謂能驚沒於水底

蘇軾曰

喻南方多没人日與水居七歲而能涉十歲而能游十五而能沒矣

善沒

列子白公問曰若以石投水何如孔子曰吳之

善沒者能取之 王元粹詩江上小兒誇善沒一日

入水知幾回

善游

南史程靈洗傳靈洗善游便騎素爲鄉里畏服

莊子善游者數能忘水也

蘇軾詩譬如善遊人一

一能操舟

舫人 說文舫舟師也明堂月令曰舫人習水者從舟  
方聲

下洋兵 枝山前聞下洋兵鄧老謂予言南歷諸國惟  
地上之物有異耳其天象大小遠近顯晦之類雖遠  
國視之一切與中國無異

善泗 歐陽脩詩邑屋臨江俗善泗 吳來詩有如善  
泗人觀者乃在船

泗者 申鑿濟大川者太上乘舟其次泗泗者勞而危

乘舟者逸而安

水軍 吳志曹操與孫權書曰令治水軍八十萬衆

魏志武帝紀建安十四年春軍至譙作輕舟治水軍  
宋史洪邁傳募海濱富商入船與爵招善操舟者以  
補水軍

樓船軍 凌波軍 玉海宋建炎元年帥府別置水兵  
以習水戰並招募習水善波操舟便利之人令擬到  
軍號樓船軍凌船軍

舟師 左襄二十四年傳楚子爲舟師以伐吳昭二十

四年傳楚子爲舟師以略吳疆定五年傳吳太子終  
纍敗楚舟師

羽林黃頭

黃頭軍

漢書枚乘傳漢知吳之有吞天

下之心也赫然加怒遣羽林黃頭循江而下注羽林  
黃頭習水戰者也又應劭曰天有羽林大將軍之星  
林喻若林木之盛羽羽翻鷺擊之意唐書王式傳  
忠武戍卒服短後裙以黃冒首南方號黃頭軍天下  
銳卒也

水步 吳志周瑜傳注諸人徒見操書水步八十萬而

各恐懾不復料其虛實

習流 史記越世家句踐發習流二千人教士四萬人

君子六千人諸御千人伐吳 案習流卽水師也

船軍 越絕書闔閭子見子胥問船軍之備

隸

阜隸 博雅阜隸臣也類篇賤人也 左昭七年士

臣阜阜臣輿輿臣隸

武夫 韓愈送李愿歸盤谷序武夫前呵

阜隸 國語公食貢大夫食邑士食田庶人食力工商



食官阜隸食職 菽園雜記巡撫周文襄初至崑山

甫登岸盛怒撻一人儒學教諭朱冕叱阜隸令止

雞毛官 小知錄云獠有入城見官長者還語其類謂  
不畏中閒坐者但畏左右鷄毛官謂阜隸也

傘子 金史百官志衛尉司護衛三十人奉引八十人  
傘子四人執旂二人

捕役 賦役全書同知捕役工食銀肆拾捌兩捕役捌  
名每名銀陸兩係動支地丁題鎖冊內仍於起運項  
下造報

茄鼓 夢餘錄今人多呼隸卒爲茄鼓 案明初臨江  
多虎狼隸百姓畏之目爲茄鼓

伍伯 彤騶 山堂肆考伍當也伯道也使之導引當  
道陌中以驅除也今俗呼行杖人爲伍伯又戴紅帽  
唱騶曰彤騶登第詩黃榜開天上彤騶出禁中

五百 後漢書曹節傳注韋昭辨釋名曰五百字本爲  
伍伯 又禰衡傳衡言不遜順黃祖大怒令五百將  
出 案白莫白切厲也與本韻音伯異與藥韻音博  
亦異

民壯 天下郡國利弊書正統十四年令各處招募民壯就令本地官司率領操練遇警調用事定仍復爲民民壯之名始於此其費視稅糧居其什一後乃老羸殘疾皆竄名以苟衣食不過以充候人之役而已散從 楊慎外集散從今之外班阜隸也見韓魏公奏刑人 易利用刑人蒙引刑人如今阜隸是也

獄吏 史記周勃世家吾嘗將百萬軍然安知獄吏之貴乎江淹上達平王書身非木石與獄吏爲伍 太史公報任少卿書身居圜牆之中當此之時見獄吏

則頭搶地

求盜 史記任安代人爲求盜亭父 後漢逢萌傳注  
亭長主捕盜賊 案魏了翁古今考亭長注亭有兩  
卒一爲亭父掌開蔽掃除一爲求盜掌捕盜賊亭父  
卽今地保求盜則卽今之馬快也註求盜亭卒也又  
案亭父亦見兵門

火伍 唐制兵五人爲伍十人爲火巡兵名烈卒警迹  
巡警之役蹤蹟盜賊者卽今馬快之稱

胥 周禮小司徒以比追胥注胥伺捕盜賊也胥通作

請

摺 集韻循通周禮士師以比追胥之事注循謂伺搏盜賊也

禁卒 賦役全書本縣知縣經費禁卒捌名銀肆拾捌兩

不良人 說鈴續云緝事番役在唐稱爲不良人有不良師主之卽漢之大誰何也立名甚奇 案緝事番役似今之番子頭目也

件作 件作宋已有之折獄龜鑑有人行商回見妻爲

人殺而失其首不勝捶楚自誣殺妻府從事獨疑之  
乃追封內忤作行人令供近日異人安厝去處

夜不收官衙卯冊每有此名目

稱謂錄卷二十七

福州梁章鉅撰

男恭辰校刊

醫

岐黃 帝王世紀黃帝命岐伯論經脈旁通問難爲難  
經後世習其業者故謂之岐黃

醫工 隋煬帝經藏願文如說修行涅槃最近無上醫  
工隨病逗藥

大夫 夷堅志云張二大夫者京師醫家蓋醫稱大夫  
自宋已然

國工 倉公傳菑川唐里公孫光善爲古傳方臣意卽  
往謁之悉得禁方居有閒公孫光喜曰公必爲國工  
難素學 金史方技傳張從正精於醫貫串難素之學  
案謂難經素問也

醫匠 韓非子今有法曰斬首者令爲醫匠則屋不成  
而病不已 急就篤篤癰瘰廢迎醫匠

乳醫 漢書霍光傳注乳醫之疾殆今之婦科也

藥師 大寶精經譬如藥師持藥囊自身病不能療治  
侍醫 倉公傳除爲齊王侍醫



鍼師 唐六典太醫署鍼師五人

灸師 韓愈詩灸師施艾炷酷若獵火圍

上醫 晉語上醫醫國 唐書方技傳古之上醫要在

視脉 史傳六十賢人隱於醫曰上醫

瘍醫 周禮曰外醫

君子醫 虞初新志姜貞毅傳名醫呂邦相夜視公曰

杖青痕過膝者不治吾以刀割創處七日而痛爲君

賀矣半月去敗肉斗許乃甦邦相曾活黃公道周廷

杖者京師號君子醫

種譜錄 卷二十一  
醫工長 武五子醫官魁曰醫工長

待詔 唐張祐病宮人詩藥餌無徵待詔愁是醫亦稱  
待詔蓋唐時醫亦待詔翰林也

國醫 宋史高若訥傳雖國醫皆屈服

良 論衡別通醫皆治百病謂之良

十三科 小知錄云醫十三科爲大方脉雜醫科小方  
脉科風科產科兼婦科口齒兼咽喉科正骨兼金鏃  
科瘡腫科針灸科祝由科諸名目 案禮記祭有祈  
焉有報焉有由辟焉由用也素問古之病者祝由而

已此醫科所以終於祝由科素問云祝由者倒言之  
郊特牲云由辟者順言之見天祿識餘

弟父 踰跗 韓詩外傳上古醫曰弟父以莞爲席以  
芻爲狗北面祀之來者皆平復中古醫者踰跗搗木  
爲腦芷草爲臚吹竅定腦死者復生

醫博士 舊唐書開元十一年命州縣置醫博士二人  
帶下醫 痺醫 小兒醫 史記扁鵲傳過邯鄲聞貴  
婦人卽爲帶下醫過雒陽聞周人愛老人卽爲耳目  
痺醫入咸陽聞秦人愛小兒卽爲小兒醫

嚴二點 齊東野語近時江西有善醫號嚴二點者以  
二三指點閒知六脉之受病故名

衙推 陸游老學菴筆記陳亞今年新及第滿城人賀  
李衙推李乃亞之舅爲醫者也 唐書鄭注以藥術

干李愬愬喜之署爲衙推則醫生之稱衙推起於唐  
也 北夢瑣言後唐莊宗劉皇后之父舊以醫爲業  
嘗負藥囊自稱劉衙推訪女直入后宮 案北方市  
醫皆稱衙推

郎中 小知錄元之習稱 案夷堅志杜郎中一條云

杜涇郎中河間府滎河縣上源村人也世爲醫貨業  
稍給以材人而有郎中之稱以其醫也然則醫稱郎  
中自宋已然又劉師道一條云婦在旁忽鼓掌笑曰  
劉郎中細審此病不可醫也亦醫稱郎中之證然則  
醫稱郎中由來久矣

卜

太人 詩太人占之

占官 書傳立卜占官故曰占官

占人 周禮春官占人

卜士 左傳卜士負之

卜相工 後漢書王昌傳昌一名郎素爲卜相工

詹尹

離騷卜居乃往見太卜鄭詹尹

案詹尹卜筮之官占與詹通

筮人

李華卜論立筮人建卜曰卜職

日者

史記日者傳注古人占候卜筮通謂之日者文

選辨命論管輅豈日者卜祝之流乎注占候時日謂

之日者

占者

朝野僉載薛季旭爲荊州長史夢貓兒伏臥於

堂限上頭向外以問占者張猷

卜正 左隱公十一年傳滕侯曰我周之卜正也 案

伏羲始造龜卜神農始以耆筮漢京房始以錢卜又  
案嶺表占卜名目甚多鼠卜米卜箸卜骨卜田螺卜  
鷄卵卜篋竹卜見珍珠船更鳥卜見唐書瓦卜見風  
俗通油花卜見圖經琵琶卜見妖巫傳帚卜見范成  
大詩

卜者 朝野僉載貞觀中定州鼓城縣人魏全母忽然  
失明問卜者王子貞子貞爲卜之曰明年有人從東  
來青衣者二月一日來療必愈

卜師 周禮卜師掌開龜之四兆 唐六典太卜署卜師二十人

史 左襄二十五年傳史皆曰吉疏史者筮人也

五行家 堪輿家 建除家 叢辰家 厯家 天一

家 太乙家 史記褚先生云孝武帝時聚會占家問

之某日可取婦乎五行家曰可堪輿者曰不可建除

家曰不吉叢辰家曰大凶厯家曰小凶天一家曰小

吉太乙家曰大吉 案正字通叢辰猶今之以五行

生尅擇日也又案漢藝文志有鍾律叢辰日苑叢辰



日苑者家言也

易聖 海錄碎事耳目記云唐昭宗時有董賀者精卜筮人謂之易聖

六壬 王建詩近來身不健時就六壬占

佳師 顏氏家訓卜筮聖人之業但近世無佳師

卜數師 魏志公孫瓚注瓚所寵異驕恣者類多庸兒若卜數師劉緯臺

星

疇人 史記疇人子弟分散注疇人昔知星人也

種言錄 卷二十一  
天士 漢書拔擢天士注李奇曰天士知天道者也

星翁 宋志歷法亦儒者所當討諉曰星翁歷生之責  
可哉

館客 北史藝術傳魏甯以善推祿命徵爲館客

日家 輟耕錄日家者流以日月五星及計羅炁字躔  
度過宮遲留伏逆推人之年月日時可知休咎定壽  
殀其書曰百中經 案此卽今之排五星者是

子平 宋濂祿命辯以五行甲子推人休咎其術之行  
已久迨後臨孝公有像命書陶宏景有二命鈔略唐

人習者頗衆而僧一行桑道宏李虛中咸精其術虛中之後惟徐子平爲著案已瘧編居易五季人嘗與麻衣道者陳圖南呂洞賓同隱華山今之推子平者祖宋末徐彥昇非也 案此卽今之排八字者是

術者 楊廷秀有送術者詩

風角 後漢書郎顛傳顛學京氏易風角星算魏志管輅傳注八九歲便喜仰觀星辰及成人明周易仰觀風角占相之道無不精微晉書陳訓傳天文算歷陰陽占候無不畢綜尤喜風角南史梁江安侯圓正傳

和言錄 卷二十一  
圓正父善風角北史權會傳文義該洽兼明風角唐  
書藝文志有風角十卷劉孝恭著

厯翁 星官 周必大詩亦知磨蝎是身宮嬾問星官  
與厯翁 韓文厯翁星官莫能與其校得失

看命司 岳珂程史中都有談天者居於觀橋之東日  
設肆於門標之曰看命司

相

巡官 五代史趙鳳傳術士周玄豹以相法言人事多  
中莊宗以爲北京巡官 老學菴筆記今北人謂卜

相之士爲巡官巡官唐五代郡僚之名或謂以其巡  
游賣術故有此稱

相人 呂氏荆有善相人者所言無遺策 案相人二  
字始見左傳文公元年內史叔服能相人又按物原  
伯益始相獸史佚始相人梁劉孝標有相經序

善相 史記鄧通傳上使善相者相通曰當貧餓死帝  
曰能富通者在我也 老學菴筆記慶厯中河北道  
士賈衆抄善相以爲曾魯公脊骨如龍王荆公目睛  
如龍蓋人能得龍之一體者皆貴極人爵 蘇軾詩

和言錄 卷二十一  
誰爲善相甯嫌瘦復有知音可慶彈

風鑑 宋史趙積傳字表微少好學吳大府卿田霖退  
居郡中名有風鑑故以女妻積 韓詩外傳姑布子  
卿相孔子高肩弱脊 案姑布子卿相趙無卹者至  
於相手板起於蕭何

相工 後漢書皇后紀漢法常因八月算人遣中大夫  
與掖庭丞及相工於洛陽鄉闕視童女又竇后紀后  
父勳坐事死家旣廢壞數呼相工問息耗又梁皇后  
紀年十三相工茅通見后驚再拜賀曰此所謂日角

偃月相之極貴者 舊唐書貞元二十一年罷翰林

醫工相工

相博士助教 隋書太卜署有相博士助教

相師 語林汝陽王璉丰儀秀整明皇愛之甯王隨短  
之上曰大哥不在過慮阿瞞自是相師又見隋書百  
官志巫門

容大師 方勺泊宅編朱曉容爲浮屠以善相游公卿  
閒羣號爲容大師姚闢在馮京榜中殿唱口禁門未  
開或云容大師在茶肆中姚走訪與一白袍偶坐姚

和言金  
卷二十一  
一  
懇容略屈鄰邸一觀氣色容指偶坐者曰狀元已在  
此何勞他問注偶坐者馮京也

相骨山人 劇談錄開成中有龍復本者無目善聽聲  
揣骨言休咎畢中 嘉話錄唐貞元末有相骨山人  
瞽雙目求相者以手摸之必知貴賤

拆字

相字 小知錄文皇在燕邸微行詣一相字以帛字示  
之相字者曰皇頭帝腳必非常人宋宣和閒謝石潤  
夫最善斯術高宗嘗詣之書春字曰秦頭太重壓日



無光又玉堂雜記有士人以乃字問石曰及字不成  
君終身不及第 春渚紀聞謝石成都人以相字言  
人禍福求相者隨意書一字卽就其字離拆而言無  
不奇中者又張道人福州福清人以相字爲名而言  
人禍福率皆如見 事文類聚臨卽費孝先因字以  
決吉凶然一字而數人占得之其應不同有一郎官  
占得一解字尋出守解州一舉子亦得解字是年爲  
本府魁一不肖子亦得解字俄以屠牛被刑牛角有  
刀解牛字此亦相字流也

地師

陰陽 漢書藝文志陰陽家者流蓋出於羲和之官

司馬溫公曰昔者吾諸祖之葬也金銀珠玉未嘗以錙銖入壙中將葬太尉公族人皆曰葬者家之大事奈何不詢陰陽

相墓公 晉書羊祜傳有善相墓者言祜祖墓所有帝王氣若鑿之則無後祜遂鑿之相者見曰猶出折臂  
三公而祜竟墜馬折臂位至公而無子 春渚紀聞  
張鬼靈學相墓術忽自有悟因以靈鬼爲名凡相墓

止視圖畫所言輒應錢唐令周君握其手曰我不知  
青烏子何如人也今子殆其倫耳 齊書祥瑞志遺  
相墓公高靈文占視 案相墓者見南史柳世隆傳  
又案古之地師莫著於青烏子漢留侯郭璞輩迨後  
閩人黃撥沙善視墓畫地爲圖卽知休咎

占墓 南史宋武帝紀時有孔恭者妙善占墓帝嘗與  
經墓欺之曰此墓何如孔恭曰非常地也帝益自負  
堪輿 說文堪天道也輿地道也今混稱堪輿爲地理  
漢書藝文志堪輿金匱十四卷 淮南子堪輿行雄

以知雌 說鈴世傳紫陽善堪輿之學葬父於闕之  
崇安葬母於徽之婺源故其後有兩世職後之貪龍  
脈者踵而行之 案堪輿家已見卜門可參看

墓

冢人 見周禮又有墓大夫 儀禮士喪禮冢人營之  
注冢人有司掌墓地兆域者

匠人 儀禮既夕記遂匠人納車於階闕注匠人主載  
柩窆

算數

計會 馮煖客孟嘗君孟嘗君出記問門下諸客誰習  
計會能爲文收債於薛者乎

算學宗師 周髀算經二卷趙君卿述君卿名爽乘句  
股朱黃之實立陪差減并之術以盡開方之妙則君  
卿者誠算學之宗師也

計然 貨殖傳范蠡曰計然之策注計然姓辛字文子  
善計算而精研故號曰計然

藝客 法疑說世以黃白之術自詭者名藝客  
算氏 隋書歷律志指要精密算氏之最者也

算博士 全唐詩話駱賓王文好以數對如秦地重關  
一百二漢家離宮二十六號爲算博士

農

老農 論語吾不如老農

田峻 詩田峻至喜

農夫 考工記飭力以長地財謂之農夫

首陀 楞嚴經注西天貴賤族分四姓首陀農夫也

賓人 晉書音義巴人呼賦爲賓謂之賓人

毗 周禮地官遂人以田里安毗以樂昏擾民以土宜

教毗注變民言毗異外內也 文選吳都賦中之毗

五臣注毗作氓 說文毗田人也今說毗田民也

氓 氓眠同史記陳涉世家眠隸之人集解田民曰眠

萌 管子山國軌篇名謂高田之萌曰吾所寄幣于子者

若干注萌田民也萌與毗同

重民 管子輕民處而重民散注輕民謂爲盜者重民

謂務農者

稼穡翁 孟郊元居士草堂詩木捲採樵子土勞稼穡

翁

和言金 卷二十一 三  
田父 杜陽雜編朱泚走涇原而兵士纔餘數百人皆  
忽迷路不辨南北因問路於田父田父對曰豈非朱  
太尉耶

儻農 方言儻農夫之醜稱也

田夫 野夫 禮郊特牲黃衣黃冠而祭息田夫也野  
夫黃冠黃冠草服也

芸夫 後漢陳實傳論士有不談此者則芸夫牧豎已  
叫呼之矣

田公 朝野僉載臘月見三白田公笑嚇嚇



畚丁 元史博爾忽傳畚丁溪子案畚丁務農者也

農瑣 晉書懷愍紀論取鄧艾於農瑣

僱子 庸閒齋筆記卽管田庄人蘇俗呼爲僱子

鄉佐 周黨今戶長主收稅人曰鄉佐

佃戶

莊奴 莊客 晁補之書莊奴不入租報我田久荒

避暑漫抄龔金以治產爲莊客

庸耕 庸客 史記陳涉傳涉少時嘗爲傭耕 韓非

子傭客致力而疾耕

佃客 宋史劉師道傳川陝豪氏多旁戶以小民役屬  
爲佃客使之如奴隸凡租調庸歛悉佃客承之

蠶織

絲人 揚子絲人不足於夜 元稹詩絲人歸織紵

蠶母 宋書禮志取民妻六人爲蠶母此卽今之蠶娘  
也

蠶姑 鄭震採桑曲去年養蠶十分熟蠶姑只著麻衣  
裳

女及第 清異錄齊魯燕趙之種蠶收繭訖主蠶者簪

通花銀梳謝祠廟村野稱爲女及第

機女 曹植大暑賦機女絕綜農夫釋耘

蠶妾 左傳蠶妾在其上

工女 紅女 杜牧之阿房宮賦多於機上之工女

鮑照詩季春梅始落工女事蠶作 前漢酈食其傳

紅女下機 前漢書又奪園夫紅女利乎

鹽

亭戶 鍋戶 竈戶 唐書食貨志游民業鹽者爲亭

戶宋史曰竈戶 宋史遣朝臣往兩議設收浮鹽又

食貨志環海之涇有亭戶有鍋戶有正鹽有浮鹽正  
鹽出於亭戶歸之公上者也浮鹽出於鍋戶

販鹽客

販鹺客

馬祖常詩

又戴表元鄰峰詩堂堂  
夜行誰鄰峰販鹺客

販鹽虜

舊唐書張濬傳濬召王敬武將佐集於鞠場

而諭之曰黃巢前日販鹽虜耳

私鹽販

五代史前蜀世家王建隆眉廣額狀貌偉然

少無賴以販私鹽爲事

竈丁

天下郡國利弊書明初場有團又有竈丁丁給

鹵地草蕩及工本鈔

鑛戶 宋史食貨志籍州民之賺土者爲鑛戶歲輸鹽於官謂之課鹽

鹽捕 賦役全書府縣鎮巡鹽應捕工食銀若干府鹽捕肆名縣鹽捕拾名

禺筴商 管子禺筴之商日日百萬注

酒

大酋 禮仲冬之月乃命大酋注酒熟曰酋故命酒官曰大酋

醴戶 續文獻通考潭州稅酒之法實起於紹興元年

建議於州募醞戶造酒

酒神 海錄碎事席酒之上九吐而不減其量者爲酒

神

醉士 實賓錄醉士唐皮日休自謂也

甌宰 清異錄廣席多賓必舉一人慣習精俊者充甌宰使舉職律衆

酒保 鷓冠子伊尹酒保立爲世師 戴良詩隔屋頻

呼酒家保

醉聖 開天遺事李白每醉爲文未嘗差悞人謂之醉

聖

酒戶 老學庵筆記壽皇時禁中供御酒名薺薇露賜  
大臣酒名沈香酒分數旋取旨蓋酒戶大小已盡察  
矣

博士 大伯 東京夢華錄凡店內賣下酒厨子謂之  
量酒博士至店中小兒通謂之大伯

酒匠 唐書百官志良醞署有酒匠十三人

大戶 小戶 清異錄席間健飲客曰大戶量小者曰  
小戶亦見白樂天集

醉侯 醉戶 皮日休詩注劉伶自稱爲醉侯白樂天

自稱醉戶

錄事 觥錄事 酒糾 席糾 類說凡飲以一人爲

錄事以糾座人謂之席糾又延漏錄凡飲有錄事須  
擇有飲材者材有二謂善令知音大戶也 表異錄  
觴政酒令也酒糾監令也亦名觥錄事

飲客 沈約七賢論劉伶酒性旣深子期又是飲客

宋南市肆記酒樓設官妓數十人各有金銀酒器以

供飲客之用



酒中仙 飲中八仙歌自稱臣是酒中仙

酒吏 史記齊悼惠王世家高后令朱虛侯劉章爲酒吏章自請曰臣將種也請得以軍法行酒

司過之吏 吳孫浩飲席錄事曰司過之吏

茶

權茶使 舊唐書王涯兼權茶使

茶博士 封氏聞見記御史大夫李季卿宣慰江南陸羽來見衣野服隨茶具而入手自煎茶李心鄙之茶罷命奴子取錢二十文酬煎茶博士

焙人 宋徽宗大觀茶論茶工作於驚蟄天時輕寒英華漸長條達而不迫茶工從容致力則色味兩全若時陽鬱燠芽甲奮暴促工猛力所迫色味所失已半故焙人得茶天爲慶

茶神 全唐詩話陸鴻漸撰茶經三卷世目爲茶神

院使 小知錄稱院使者元之舊習

茶院使者 菽園雜記茶酒稱院使者此胡元不明名分之舊習也 據此當有茶院使者酒院使者之稱

園戶 續資治通鑑六州採茶之民謂之園戶

茶顛 茶錄陸羽嗜茶人曰茶顛 蘇軾詩歸來又見

顛茶陸

茶酒司 東軒筆錄艇中惟有一卒司鑠爐謂之茶酒

司

湯神 清異錄僧文了善烹茶游荆南高保勉白子季

興延致紫雲菴日試其藝保勉父子呼爲湯神

鑠子 說鈴宋仁宗嘗春日步苑中屢回顧莫測聖意

及還宮中顧嬪御曰渴甚可速進熱水嬪御進水問  
曰大家何不外面取水而致久渴耶仁宗曰吾屢顧

和言金  
卷二十一  
不見鐐子苟問之卽有抵罪者故忍渴而歸 案鐐  
子卽司茶者也 宋史儀衛志諸司御鐐子茶牀快  
行親從四人

稱謂錄卷二十八

福州梁章鉅撰

男恭辰校刊

百工

行老 東京夢華錄凡僱覓人力幹當人酒食作匠之類各有行老卽工頭也

工師 孟子則必使工師求大木

大匠 孟子大匠不爲拙工改廢繩墨

木客 韻府徐鉉謂鄱陽山中有木客自言秦時造阿房宮採木者 東坡詩山中木客解吟詩

輪輿 孟子注輪人輿人車工也

匠伯 莊子櫟社樹挈之百圍觀者如市匠伯不顧遂行

國工 周禮冬官輪人可規可萬可水可縣可量可權也謂之國工

梓匠 攷工記梓人匠人木工也 案爾雅翼梓爲百工長古人名制器之工爲梓人

鋸備 冷齋夜話京師景靈宮鋸備解木木旣分有蟲鏤紋如梵書

匠氏 韓愈進學解匠氏之工也

司務 庸閒齋筆記古之官名今以之呼執藝者薙髮  
曰待詔典夥曰朝奉工匠曰司務殊不可解

木匠 論衡能斲削柱梁謂之木匠

裏術 夢溪筆談審方面勢覆量高深遠近算學謂之  
裏術裏字形如繩木匠所用木斛也

都料匠 柳宗元梓人傳梓人蓋古之審曲面勢者今  
謂之都料匠云 歸田錄開寶寺塔都料匠預浩浩  
初成勢傾西北京師地平多西北風吹之當正至今

和言錄 卷二十六  
木工以預都料爲法有木經行世

博士 摩利支天經造佛像之匠謂之博士今茶館會  
走者亦曰博士 菽園雜記磨工稱博士此胡元名  
分不明之舊習也又案小知錄稱木工也

塑工 池北偶談崑山有毘沙門天王像唐楊惠之所  
塑旁二侍女尤佳徐稚山記其事謂此像得塑工三  
味

手民 清異錄木匠總號運金斤之藝又曰手民手貨  
彫割業 高麗靜空大師碑未有彫割業僧臣暹律奉



敕刻字彫割業殆以鏤刻爲業也見馮登府石經閣  
文集

甄者 漢書董仲舒傳泥之在鈞惟甄者之所爲注甄  
作瓦之人

冶工 皇甫謐傳夏馥變服易形入林慮山中爲冶工  
客作 晉書王敦傳擅錄冶工

冶者 漢書董仲舒傳金之在鎔惟冶者之所鑄

陶人 旌人 荀子性惡故陶人埴埴而爲器注陶人  
瓦工也 周禮陶人爲甗又旌人爲簋 案皆窑匠

也

工人 荀子性惡然則器生於工人之僞注工人當爲

陶人

老鍛工 夢溪筆談有老鍛工畢昇曾在禁中

都匠水工 管子桓公問備五害之道管子對曰除害  
以水爲始請爲置水官令習水者爲吏大夫大夫佐  
各一人率部校長官佐各財足乃取水左右各一人  
使爲都匠水工令之行水道

瓦師 波羅密經譬如瓦師作器知大小深淺

陶冶 孟子謂瓦匠鐵匠也

壺工 陽羨茗壺爲壺工時大彬所造後游婁東聞陳  
眉工與瑯琊太原諸公品茶乃作小壺前後諸壺工  
不能及之見明人說部

函人 周禮冬官函人爲甲

玉人 同上 玉人之事

追師 歐陽詹造玉人曰追師

玉工 陳子昂觀荆玉詩勿信玉工言 癸辛雜識玉  
工描玉以石榴皮汁描之見水不脫

玉功 唐書柳玼傳玉功貨釵直七十萬錢

牙師 長阿含經牙師善治象牙

漆工 後漢書申屠蟠家貧傭爲漆工 清異錄余嘗

臨外氏喪見漆工髹裹凶器漆工曰七郎中隨身富

貴只贏得一漆工

土匠 論衡能穿鑿穴埴謂之土匠

巧者 唐文漢昌黎有巧者王承福傳

巧人 左襄三十一年巧人以時螟館宮室

染工 北史染工王承歡以賂自進

洒削 史記貨殖傳洒削薄技也而郅氏鼎食注徐廣曰洒或作細駟案漢書音義曰治刀劍之名

劍工 淮南子劍工惑劍之似莫邪者

癯人 楊雄傳癯人亡則匠石輟斤而不敢妄斲注服虔曰癯古之善塗墍者也師古曰技拭也故謂塗者爲癯人音饒

弓師 法苑珠林弓師調角

釘鉸 池北偶談茶譜記胡生以釘鉸爲業 案釘鉸或今之銅匠也

負局人 劉禹錫磨鏡篇門前負局人爲我一磨拭

案列仙傳有負局先生因磨鏡出藥與人故云又案  
神仙傳負局古仙人隱於磨鏡者

尙方 後漢和熹鄧皇后紀注尙方掌工作刀劍諸物  
及刻玉爲器 又王莽傳莽夢長樂宮銅人五枚起  
立莽惡之卽使尙方工鑄滅所夢銅人磨文

骨路 陸游續筆記市井中有補治故銅鐵器者謂之  
骨路

碑工 補塵三錄碑工李仲實刻字甚工

史匠 論衡能彫琢文書謂之史匠卽今刻字匠也

木聖 抱朴子張衡馬忠號木聖善刻削之巧

石工 宋史司馬光傳蔡京撰姦黨碑石工安民當鐫  
字辭曰民愚固不知立碑之意但如司馬相公者海  
內稱其正直今謂之姦邪石工不忍刻也

錦工 虞氏雜記錦工隸宮錦坊卽織匠也 五代史  
閩世家鱗命錦工作九龍帳

搨書手 唐書百官志校書郎掌校理典籍刊正錯繆  
有搨書手

和言錄 卷二十八  
墨工 遯齋閒覽唐末墨工奚超與其子廷珪自易水  
渡江遷居歙州南唐賜姓李氏 何蘧墨記墨工製  
名多相蹈襲

熟紙匠 唐書百官志校書郎有熟紙匠八人秘書監  
有熟紙匠十人

筆匠 唐書百官志秘書省有筆匠六人 西陽雜俎  
開元中筆匠名鐵頭能瑩管如玉莫傳其法

裝潢匠 唐書百官志注裝潢匠二人案潢音隴染紙  
也齊民要術有裝潢紙法 升菴外集唐六典有裝



潢匠潢音光上聲謂裝成而以蠟演紙也 案卽今之裝褙匠

硯務官 歐陽修試筆南唐時於歙州置硯務選工之善者命以九品之服月有俸廩之給號硯務官

籊桶 談藪二程入蜀至大慈寺有籊桶者口吟易數就揖之挽歸質所疑酬答如響問其姓名不答而去

蔗藊工 唐書德宗紀罷貢九成宮貢立獸炭襄州蔗藊工 案蔗藊工殆竹蔑匠之類

銀工 唐尉遲樞南楚新聞薛昭緯遇一舊識銀工邀

昭緯飲食甚豐作詩謝之曰一榼羶羹數十根破盤  
中更有紅鱗早知文字多辛苦悔不當初學冶銀宋  
時宰相之子爲銀工是可恥矣銀工之子爲宰相又  
何忌哉

銀匠 白居易銀榼詩重用鹽梅試細看注銀匠洗銀  
多以鹽花梅漿也

剃翦工 夷堅志有剃翦工陽五三

待詔 小知錄鑷工稱待詔元之舊習古所謂修容今  
所謂剃頭也

刀鑷家兒 刀鑷者 東南紀聞韓大倫斬王曾孫也  
本刀鑷家兒案亦剃頭之類 墨客揮犀呼刀鑷者  
使剃其眉尾

剃工 夷堅志真如院藏神條云童行金法靜令剃工  
繳鼻爲僧智全誤觸其首刀中斷不可出恍惚聞見  
藏神至舉手拔之血少止刀墜於側

鞞工 慮思道北齊興亡論陸令萱穆提婆本是鞞工  
愚暗庸短僅辨菽麥

皮匠 荆湖近事徐博世爲皮匠能爲一縫裘

櫛工 楊循吉蓮軒吳記櫛工楊某晨詣學爲髻生束  
髮 陳眉公見聞錄張莊簡與莊懿公皆以尙書家  
居兩公歲時入城祝釐則皆出而往來待詔家拜節  
待詔吾松櫛工之稱也

縫人 掌縫事 周禮天官掌縫斡官曰縫人又管裁  
造者曰掌縫事 楊慎外集匠人言督線縫人言督  
縫醫家言督脈皆訓中也 齊民要術蠶事未起命  
縫人浣冬衣徹復爲裕

執鍼 左成二年傳楚侵及楊橋孟孫請往賂之以執

斲執鍼執紝皆百人注執鍼女工

成衣 淮南子先鍼而後縷可以成帷先縷而後鍼不可以成衣

女工 周禮女工疏女工謂女奴巧者曉裁縫者也

衣工 郭泰基寒女詩衣工秉刀尺

畦丁 杜甫詩畦丁負籠至案畦丁卽園丁也

老圃 論語吾不如老圃

場師 孟子今有場師

餅師 唐書陳敬瑄傳敬瑄少賤爲餅師全唐詩話宵

王取賣餅者妻問曰汝憶餅師否默然使見之淚下  
王乃歸之 蘇軾詩娥眉亦可憐無奈思餅師

花師 龍城錄洛陽宋單父有種藝術兒爲花師亦見  
異人錄

花匠 陸龜蒙詩花匠礙寒應束手

花太醫 清異錄蘇直善治花瘡者膿之病者安之時  
人稱爲花太醫

商賈

商賈 周禮太宰六曰商賈阜通貨賄注行曰商處

曰賈

循簫 眞誥夢一人弊衣長形容從一小兒來如循簫  
注循簫賣物人也

販夫 周禮地官夕時而市販夫販婦爲主

販客 袁桶梁山灤詩短渡販客止

賈師 周禮地官胥師賈師注賈師定物賈

良賈 老子良賈深藏若虛

賈人 禮少儀致廢衣於賈人注賈人知物善惡者也

大賈 史記貨殖傳是以富商大賈周流天下

朝奉 宋史職官志朝奉大夫從六品朝奉郎正七品

呂種玉言鯖徽俗稱富翁爲朝奉亦有出漢奉朝請無定員本不爲官位東京罷省三公外戚皇室諸侯多奉朝請者逢朝會請召而已退之東坡並用之蓋如俗稱郎中員外司務舍人待詔之類 崔灝通俗編史記貨殖傳秦皇令烏氏倮比封君以時與列臣朝請朝請之制秦已有之今徽買假此稱謂雖屬竊冒官階要亦慕烏倮之爲貨殖雄也方回桐江集村路有呼予老朝奉者作詩云誰忽呼予老朝奉須



知不是贗稱呼徽嚴閒之習爲此稱久矣 案在宋  
爲官今爲掌質庫之稱

末民 漢書官富貴而末民困 案末民逐商賈之業  
者也

賈胡 蘇軾詩處處流連似賈胡 陳造詩官解鹽煙  
外居人雜賈胡

鴻商富賈 裴子野略鴻商富賈舞女成羣

毗舍 楞嚴經注毗舍商賈也

判子 王介甫知鄞縣日訪義夫節婦得三人一人姓

和言錄 卷二十八  
童爲人主典庫謂之判子

販寶翁 張籍賈客詞農夫稅多長辛苦棄業去爲販  
寶翁

女僧 賓退錄東朝王繼勳殘暴愈甚女僧及粥棺者  
出入其門不絕

僦人 史記汲鄭列傳爲大農僦人集解引徐廣僦人  
蓋興生財利如今方宜矣 漢書鄭當時傳任人賓  
客僦注僦謂受僱賃而載運矣

僦販兒 五代史周德威傳晉遣德威屯兵趙州梁軍

至柏鄉人馬鎧甲飾以錦繡金銀其光耀日晉軍望之色動德威曰此汴宋之傭販兒徒飾其外耳

上客 張籍賈客詞金多衆中爲上客

書僧 尙書故實京師書僧孫盈者名甚著盈父曰仲容亦鑒善畫精於品目豪家所寶多經其手

骨董 明人說部貨古玩者爲骨董俗作古董非 都城紀勝又有異名者如七寶謂之骨董行

趕趁人 武林舊事凡游觀買賣有以徑撓逐求售者謂之趕趁人

和言金 卷二十八  
三  
常賣 冷齋夜話余嘗館州南客邸見所謂常賣者破  
篋中有詩編寫本又雲麓漫鈔朱勗之父朱沖者吳  
中常賣人方言以微細物博易於市中自唱曰常賣  
人卽以常賣呼之

### 客民

客民 後漢書馬援傳詔武威太守令悉還金城客民  
歸者二十餘口

雁戶 唐書編民有雁戶 案謂流庸也亦名客作土  
著曰土斷

彫劫 衛志蔣濟傳彫劫之民劫音貴書叙指南蘇瓌  
人流亡曰彫劫

土民

流民 詩用亂之故民卒流亡楊慎經說氓从亡从民  
流亡之民也

土公 養新錄頃歲山陰童二如游洛陽得石刻一方  
其文曰大男楊紹從土公買墓地一邱東極闕澤西  
極黃滕南極山背北極於湖直錢四百萬卽日交畢  
日月爲證四時爲任大康五年九月廿九日對共破

荆民有私約如律 案荆者大書中央破別之也卽  
今之市井合同

土著 漢書其俗土著謂常居不遷徙也著音酌讀如  
字非

術士

下儒 漢書司馬相如傳下儒術士之類

方 史記扁鵲倉公列傳問中庶子善方者索隱方方  
伎之人也

黃老 田叔傳叔喜劍學黃老術於樂臣公所

方士 素問五臟別論余聞方士注方士謂明悟道術之士也梅堯臣詩有藥化銅鉛方士多伏鍊 江淹詩道人讀丹經方士鍊玉液

術人 盛均人旱解涪灘越垠曠旱不雨或言有術人能捕退龍而譟之及召術人至旱如故太守怒命擒之遁矣遺一書其目曰旱有三天旱國旱人旱此入旱也邦燬其政吏賊其行千里人心燥不爲陰

道人 後漢靈思何皇后紀注道人謂道術之人也

符師 韓愈詩符師弄刀筆丹墨交橫飛

種言錄 卷二十八  
四  
饗饗仙 清異錄近世事仙道者多搜黃白術貪婪無厭謂之饗饗仙

牙人

互郎 陶宗儀輟耕錄今人謂馭僮者爲牙郎本謂之互郎謂主互市事也唐人書互作牙牙似牙字因訛爲牙耳 說鈴天祿識餘溫公詩話牙郎當作互郎  
商僮 唐書叛臣傳呂用之者鄱陽人世爲商僮往來廣陵

估客 南史扶南國傳長頸王國其人言語小異扶南



國內不受估客商旅不至 李白詩估客發大樓知  
君在秋浦

經紀 輟耕錄今人以善能營生者爲經紀

僧馭 馭會 漢書注師古曰僧者合會二家交易者  
也馭者其首率也 唐書王君廓傳君廓并州石艾  
人少孤貧爲馭會

僧牛 後漢書逸民傳王君公僧牛自隱注謂平僧兩  
家買賣之價高士傳王君公僧牛口無二價 陸游  
詩欲隱墻東學僧牛

大駟 呂氏春秋段干木晉國之大駟也注牙儻狡捷

者爲駟 呂覽尊師大駟注駟儻人也 淮南汜論

訓一曰駟市儻也

儻 牙儻 後漢逢萌傳注儻謂平會兩家買賣之價

正韻牙儻儻合市人者

埠頭 韓愈孔殘墓誌蕃舶至泊步有下碇之稅字典

步通作埠故人呼船儻爲埠頭以此

舍長 史記扁鵲傳扁鵲少時爲人舍長

貨主 論衡手中無錢之市使貨主問曰錢何在對曰

無錢貨主必不與也 案貨主卽店主也

市掾 後漢書費長房傳長房爲市掾

媒

蹇修 離騷吾令蹇修以爲理注蹇修古之賢媒朱子集注謂爲媒者以通詞理也

神媒 路史女媧佐太昊禱於神祈而爲女婦正姓氏職昏因通行媒以重萬民之判是曰神媒

媒氏 周禮地官司徒媒氏掌萬民之判 白居易詩 慶傳媒氏燕先賀喜報談家烏預知 李商隱上韓

郎中啟爲寔修爲媒氏無不嫁之娉婷

冰人 索統傳孝廉令狐策夢立冰上與冰下人語統  
曰君當爲人作媒 案文選射雉賦注媒者少養雉  
子至長狎人能招引野雉因名曰媒

妁 說文媒也集韻音杓酌也斟酌二姓也

媒妁 孟子媒妁之言音義謂媒氏酌二姓之可否故  
謂之媒妁也

媒娉 後漢書南蠻傳初設媒娉始知姻娶 北史高

允傳古之婚者皆采德義之門妙簡貞閑之女先以

媒娉繼以禮物

行媒 禮記男女非有行媒不相知名 離騷何必用

夫行媒

氤氲大使 清異錄朱起家居伯氏虞部有女妓寵寵

豔秀明慧起甚留意而種種隔礙一日恍惚至郊外

逢青巾擔筇杖藥藍者熟視起曰郎君有急直言吾

能濟起以寵事訴青巾笑曰世人陰陽之契有纏縷

司總統其長官號氤氲大使諸夙緣冥數當合者須

鴛鴦牒下乃成雖伉儷之正婢妾之微買笑之略偷

期之秘仙凡交會華戎配接率由一道焉

伐柯人 夢梁錄伐柯人兩家通報擇日過帖各以色

綵觀盤安定帖然後相親

涓人 中涓 吳語乃見其涓人注涓人今之中涓居

中而涓吉者也字典涓潔也 史記曹相國高祖爲

沛公而初起也參以中涓從注中涓如中謁者 庚

信爲閹將乞致事表臣實無堪中涓從事

銷人 史記楚世家王行遇其故銷人注今之中涓也

良媒 詩子無良媒

良遊 王經詩良遊盛簪紱又射雉賦良遊哢喔注良遊媒也

媒媪 抱朴子求媒媪之美談

月老 續幽怪錄韋固遇老人向月檢書問曰君何主曰主天下之婚姻耳

媒伯 易林東家中女媼母最醜三十無室媒伯勞苦掌媒 管子入國篇凡國都皆有掌媒

媒人 媒媪 焦仲卿妻古詩云阿母曰媒人又云阿母謝媒人女子先有誓又云媒人下牀去諾諾復嬾

媼 書叙指南退之媒人曰媒媼

媒介 唐書張行成傳古今用人必因媒介若行成者朕自舉之無先容也

中 桓九年穀梁傳紀季姜歸於京師傳曰爲之中者歸之也注曰中謂關與婚事莊二年王姬歸於齊傳亦曰爲之中者歸之也

剉角媒人 清異錄開元中後宮繁衆集宮嬪用骰子擲最勝者一人乃得專夜宮璫私號骰子爲剉角媒人



和事

調人 周禮地官序官調人注調猶和合也 漢書張

良傳集注謂和平之

卿公 尚溪纖志爲苗人論判是非者謂之卿公

見證

左驗 左 表異錄楊惲下廷尉廷尉考問左驗明白

注左證左也言當時在其左右見此事者也 史記

張湯傳二長史合謀曰吾知湯陰事使吏捕案湯左

田信等

兩造 書兩造具備師聽五辭注兩謂囚證造至也

證左 漢書王莽傳召會吏民逮捕證左

頂替

槍手 案宋史兵志臣僚言天下步兵之精者莫如福建槍仗手寶慶四明志正兵二十二隊有槍手四百六十八人今代作文者亦稱爲槍手亦猶捉刀之意耳

捉刀人 世說魏武將見匈奴使自以形陋不足以雄遠國使崔季珪代自捉刀立牀頭旣畢令閹諜問魏

王何如便曰魏王雅望非常然牀頭捉刀人此乃英雄也 案世稱代作文者爲捉刀以作者非正身乃捉刀人替爲之也後遂以捉刀爲替身非正身矣今觀此事則知捉刀人正爲正身相習稱之而失其考耳附辨於此

### 通事

譯話官 譯官 松漠記聞金國之法夷人官漢地者皆置通事注卽譯話官也或以有官人爲之 案書敘指南柳公綽又曰譯官

藝文監 元史百官志藝文監專以國語敷譯儒書

通事舍人 啟顏錄裴略落第向溫彥博處披訴云少

小以來自許明辨至於通傳言語堪作通事舍人

舌人 重舌 周語韋昭注舌人能達異方之志象胥

之官也 杜牧譯話人曰舌人並見書敘指南 東

京賦重舌之人九譯薛注九譯九度譯言始至中國

者也

乞萬真 南齊書北魏稱文書吏爲比德真稱擔衣人

爲樸太真稱通事人爲乞萬真

象胥 譯士 譯官 韻府羣玉周官謂之象胥或謂

之譯士謂之通事 後漢馬融傳注通夷狄之言者

曰象胥 周禮大行人象胥譯官也 漢書百官表

大鴻臚屬官有行人譯官

唐舶 蒲叉 癸辛雜志譯者今北方謂之通事南蕃

海舶謂之唐舶西方蠻獠謂之蒲叉去聲皆譯者名也

譯字生 禮部則例入貢諸國惟朝鮮琉球越南表章

用漢文蘇祿南掌暹邏等國皆由各該省通事譯錄

具題四譯館貯外夷書凡十種皆譯以漢文館內譯

字生凡八人

客語 尚谿纖志能通苗漢語者謂之客語

致賓

候人 詩彼候人兮毛傳候人道路送迎賓客者 周  
語候人爲導 案候亦見巡探而義各異

贊禮

扶工 禮仲尼燕居譬猶瞽之無相歟疏相謂扶工  
相 相者 左成二年傳使相告之注相相禮者 禮  
雜記上相者入告疏相者相主人傳命者也 戊辰

雜抄女初至門壻去丈許迎之相者授以紅綠連理  
之錦各持一頭

賓 莊子賓者以告列子釋文賓謂通客之人 管子

小問桓公令賓者延而止注賓謂贊引賓客者也

穆天子傳內侍賓侯注賓贊禮儀賓相

禮生 梁書劉歆傳歆自國子禮生射策高第爲甯海  
令 案今贊禮者爲禮生

擯相 周禮夏官太僕王眡燕朝則正位掌擯相 儀  
禮士相見請還贊於將命者注將傳命也傳命者謂

賓相也

保介 呂覽孟春參於保介之御闕注保介副也

介 穀梁文十八年使舉上客而不稱介釋文介副使也 禮玉藻君入門介拂闥疏介者副也周禮大行人介九人注輔已行禮者也 禮檀弓子游擯由左疏在主曰擯在客曰介 文選運命論不介而自親

注介紹介也

夫 詩墓門夫也不良傳夫傅相也

僎 禮記鄉飲酒義僎輔主人者



泰彌 周書土會其右泰士臺右彌士注泰彌贊禮者  
祝史 左昭二十二年祝史正辭 又儀禮聘禮注辭  
多則史注史謂策祝也

廟祝

嗇夫 書嗇夫馳 後漢蓋延傳注嗇夫主知廟事

案史記張釋之傳釋之從行登虎圈上問上林尉諸  
禽獸簿尉不能對虎圈嗇夫代尉對又漢書百官公  
卿表鄉有嗇夫職聽訟收賦稅管子吏嗇夫任事人  
嗇夫任教當不止專知廟事也

鄉有秩

漢書張敞傳敞本以鄉有秩補太守卒史注

鄉有秩者嗇夫之類